

Rona



MAIS AMOR

ME WEND
MEH LIEBI I DE LÄDE
MEH LIEBI I DE GSTELL
ALLES NUR US LIEBI
UND ZWAR ALLES UF DE STELL
MAIS AMOR
MAIS AMOR POR FAVOR

MIR WEND
FERTIGLIEBI
BÜCHSELIEBI
TÖÜFGFRONI LIEBI
BODEHALTIGI LIEBI
MAX HAVELAR LIEBI
MIR WEND NATURAPLAN BIO DEMETER LIEBI

ME WEND ABER AU
EN HAMBURGER US LIEBI
EN BERLINER US LIEBI
EN PARISER US LIEBI
MIT MANGOLASSI US LIEBI
ICH MEIN ERDBERGSCHMACK US LIEBI
UND VERUSE MITEM HUND GO GASSI US LIEBI

*well mir wünsched üs
mir wünsched üs meh liebi
por favor mais amor
und mir zahled defür
mit allem wo mir sind
alles won'ich wend
well mir wünsched üs meh liebi*

MIR WEND
ES KAFI US LIEBI
ES STUCK TURTE US LIEBI
E JURTE US LIEBI
KEI SICHERHEITSGURTE US LIEBI
IM NEUIE AUTO US LIEBI
WO NUR IM STAU STAHT US LUUTER LIEBI

MIR WEND
ES GIPFELI US LIEBI
VOM CAPPELLI US LIEBI
EN KALÄNDER US LIEBI
SONEN PIRELLI US LIEBI
E GLÜEBIRE US LIEBI
MIT WARMEM LIECHT US LIEBI
UND GLIICH E HELLI



SCHNÄGGESCHÜTTL

CHLI UMESCHARWÄNZLE MIT DIR DAS WÜRDİ GÄRN EMAL
CHLI SCHABERNÄCKLE MIT DIR DAS FÄNDI KUUL
CHLI SCHNUDERGÖÖFLE MIT DIR O CHUM WENN TÜEMIR MAL

CHLI SCHÖNGEISCHTLE MIT DIR DAS WÜRDİ GÄRN EMAL
CHLI SCHNÄDERTÄSCHLE MIT DIR DAS FÄNDI LÄSS

CHLI SCHUEHLÄDELE MIT DIR O CHUM WENN TÜEMIR MAL

SCHMINEÖFELE
SCHORNSTEINLE
CHÄMIFÄGERLE
SCHIRMSCHTÄNDERLE
SCHIEBETÜRLE
SCHTÄGEGLÄNDERLE
TISCHFUSSBÄLLELE
SCHTABHOCHSPRINGERLE
SCHACHWÄLTMEISCHTERLE
SCHIIWERFERLE
SCHAUSCHPIELSCHÜELERLE
STADTTHEÄTERLE
HEUSCHÖBERLE
SCHTROHBÄLLELE
MISCHTSTÖCKLE
HÄRDÖPFELSTÖCKLE
SCHINUÄSLE
FISCHSTÄBLE
ÖPFELSTRÜDELE
VANILSÖSELE
SCHLORZIFLÄDELE
SCHNEEGLÖGGLE
SCHTIIFMÜETERLE
VERGISSMEINICHTLE

CHLI SCHIIBEWÜSCHERLE
CHLI SCHNEESCHNÜTZLE
CHLI SCHLITTSCHÜENDLE MIT DIR

CHLI SCHIISCHÜELERLE
CHLI SCHNÜERLISCHRIFTL
CHLI SCHUELSCHWÄNZLE MIT DIR

CHLI SHTINKSCHTIFLE
CHLI SCHMIERFINKLE
CHLI SCHANDFLÄCKLE MIT DIR

CHLI SCHLÄCKSCHTÄNGLE
CHLI SCHNÄGGESCHÜTTL
CHLI SCHIFFLIVERSÄNKE MIT DIR

*chli schläckschtängle mit dir das würdi gärn emal
chli schnäggeschüttle mit dir das fändi kuul
chli schiffiversänke mit dir o chum wenn tüemir mal*

CHLI SCHWITZHÜTTL MIT DIR DAS WÜRDİ GÄRN EMAL
CHLI D'SCHWIZ SCHÜTTL MIT DIR DAS FÄNDI KUUL



SWINGBACH

IMMER IMMER IMMER IMMER IMMER IMMER AM
MORGE BEVOR VOR VOR ICH GANG

IMMER IMMER IMMER IMMER IMMER IMMER DENN
WENN ICH EIGETLICH NO PENN

WÜRD ICH AM LIEBSCHTE NO
CHLI ZU DIR INE CHO

ACH CHUM DU WEISCH DOCH SCHO

DU WEISCH DOCH SCHO WIESO

JA ICH WÄR SCHONO FROH
MÜSSTI GRAD NONIG GAH

DICH NÖD SCHO JETZT VERLAH

ABER IMMER WENN DU SEISCH OU NEI
GANG DOCH JETZT BITTE WIEDER HEI
UND WENN ICH DENN VOLL GFRUSCHTET AM
MORGE FRÜEH I DE SCHISSBECK GANG

ZÄH GIPFELI UND E

SCHOGGI MIT RAHM UND E
CREME CREME CREME CREMESCHNITTE
EIS ZWEI DRÜ VIER BERLINER

CHAUFE OBWOHL ICH KEI
GAR GAR KEI HUNGER HAN
WENN ÄNDLI CHUNNT MIS TRAM

UND MIR VORSTELLE WIE

DU DU JETZT GANZ ELEI
SO ES PAAR ÖPFELSCHNITZ
RAFFLISCH BI DIR DEHEI

CHUNNT MIR GRAD S'AUGEWASSER
O GOTT WIEN'ICH DAS HASSE
FRÄSSEND I DEM SCHISSTRAM Z'HOCKE

UND VOR SEHNSUCHT FASCH Z'VERRECKE

IMMER IMMER AM
MORGE FRÜEH FRÜEH DENN

ICH BIN NO HALB AM SCHLAFE
LIEGE MIT DIR IM BETT

UF JEDE FALL WÄR DAS DAS
WONICH AM LIEBSCHTE WET
EIFACH NO CHLI NÖCH SI

NÖD MÜSE NEUIME HI
EIFACH NO CHLI MIT DIR SII



MUSCHTER

ES SIND EMAL ZWEI MUSCHTER GSI
WO SICH GRUUSIG UF DE SACK HEND GÄH
UND DIE HUERE GRUUSIGE MUSCHTER
HEND SICH GÄGESITIG WELLE S'LÄBE NÄH
EIGETLICH IMMER WENNS ENAND HEND GSEH

S'EINT ISCH VO IHM
UND S'ANDERE VO IHRE
ER HET KÄNN ÖPFEL

UND AU SIE HET KÄ BIRE
WELL GÄG DIE HUERE KRASSE MUSCHTER
WELL GÄG DIE HUERE KRASSE MUSCHTER
WELL GÄG DIE HUERE KRASSE MUSCHTER

HESCH KÄNN STICH

KÄ BIRE

KÄNN STICH
ABER KÄNNSCH DICH EBE NÖD
SUSCH WÜRSCH NIE SO HUERE BLÖD DICH BENÄH
WELL DU BENIMMSCH DI WÜKI WIE DE HINDERLETSCHTI VOLLIDIOT
WIE EN CHRANKE HUERE DEPP

DEBI CHASCH JA NÜT DEFÜR

CHUNNT DAS HUERE MUSCHTER IMMER WIEDER ZUR TÜR INE
UND TUT ALS WÄRS DA DIHEI

ABER DA DIHEI BISCH EBE DU

UND EBE DU BISCH NÖD DIS MUSCHTER
JETZT MUSCHTER DAS MAL VORSTELLE
WER DU IMMER GLAUBSCH SEGGSCH DU
NEIN GENAU DAS BIN ICH NÖD

GENAU DAS ISCH JA NÜR MIS MUSCHTER
MUSCHTER IMMER WIEDER SÄGE
MUSCHTER HINDER D'OHRE SCHRIIBE

MUSCHTER WÜKI ÜBERLEGE
WOTSCH WÜKI ALS DIS MUSCHTER LÄBE
DI NÖCHSCHTE HUNDERT JAHR UND MEH
A DINE VERDAMMTE HUERE MUSCHTER CHLÄBE





SADSONG

ICH NIMM MI CHLI IN ARM
HALT SO GUET WIE'S GAHT
S'GAHT EBE NÖD SO GUET
UND VIELLICHT ISCHS Ä SCHO Z'SPAHT

VIELLICHT ISCH'S SCHO VERBII
VIELLICHT ISCH'S DAS JETZT GSI

WELL DU UND ICH
S'ISCH EIFACH NÜME S'GLIICH
S'ISCH NÜME S'GLIICH

DU SUECHSCH SCHO EN ANDERE
ICH SUECHE AU
DU FINDSCH EINE EN SPANNENDERE
ICH WIRD LANGSAM GRAU

WAHRSCHIIINLICH BIN ICH Z'BLÖD
UND VERSTAHS HALT EIFACH NONIG
ABER E ANDERI S'GAHT NÖD
NÖD I MINERE WOHNIG

FÜR MICH BISCH DU DOCH D'LIBEI
D'LIBEI VO MIM LÄBE
UND AU WENN ALL ANDERE FINDED
ES SEG NAIV SO ÖPPIS Z'SÄGE

FÜR MICH ISCHS NÖT ALS D'WAHRHEIT
UND ZWAR DI EINZIG JA
ALS HÄT MIR DAS DE LIEBGOTT GSEIT
GENAUSO FÜHLT SICH'S A

IMMER WIEDER TRÄNE
WERUM BIN ICH GEBORE
WENN MIR ZWEI SO NÖD ZÄME
WIEMER'S ENAND HEND GSCHWORE

FÜRENAND BESTIMMT
SÄG ICH UND DU SEISCH NEI/
ICH SÄGES BISI STIRB
UND VO DENN A MIN GRABSTEI/

IRGENDWENN STIRBSCH DU
STIRBSCH JA DU DEN AU
CHÖNNTSCH DU DIR ÄCHT VORSTELLE
MIT MIR IM HIMMEL MA UND FRAU

DASS MIR NO ZÄME CHIND
AU WENNS NUR WULCHE SIND
ICH WÜNSCHTI MIR SO SEHR
E FAMILIE MIT DIR
E FAMILIE MIT DIR

AUTOBAHNRASCHTSTÄTTÄ

autobahnraschtstättä tötötötötötä

UNDERWÄGS
UF DER AUTOBAHN
 ÜBER STOCK UND STEI
 ICH GAH NIEMEH HEI
NIEMEH HEI
NEI ICH LA
ICH LA MICH TRIIBE
 UND WIRDE GANZ SICHER KEI
 EINZIGI POSCHTCHARTE SCHRIIBE
NEI ICH LA
ALLES HINDER MIR
UND LUEGE NUMENO NACH FÜRE
AU WENI DAS HINDER MIR NO GSPÜRE
 DIE TÜRE SIE ISCH ZUE
 ÄNDLICH FREI
 ÄNDLICH FREI FÜR DIE WÄLT
 S'ISCH HÖCHSCHTI ZIIT ICH WEISS ABER GÄLL
ME SÖT JA BEKANNTLICH Ä NÖD Z'SCHNÄLL
 BSUNDERS WENN'S EIM NEUIME GFALLT
 JA DENN BLIIBT ME HALT

uf de autobahnraschtstättä tötötötötötä *autobahnraschtstättä tötötötötötä*

O AUTOGRILL
WERUM Ä GITS VO DIR SO HUERE VIEL
 WÄGE DIR STAHT GLI MAL NO MIS HERZELI STILL
 WELL ICH JEDESMAL EN KAFI WILL
BI DIR O AUTOGRILL
 JEDESMAL EN KAFI WILL
BI DIR O AUTOGRILL
 DRUM ZRUGG UF D'STRASS
 INZWÜSCHE RÄGNETS UND S'ISCH NASS
DRUM NIMI DE FUESS ECHLI VOM GAS
 ISCH DOCH GSCHIDER DASI NÖD RAS
 MIT SOVIEL KAFI ODER WAS
GIT SUSCH GAS
 UND MÄCHT DAS
ICH SO RAS
 DOCH ICH ÜBERFAHR
TROTZDEM PROMT EN HIRSCH
 EN HIRSCH MIT PONYFUTZ
WER HÄT DENN DAS DÄNKT GOPFRIEDSTUZ
 EN TOTE HUERE HIRSCHPONYFUTZ
 JETZT BRUCHI EN LITER KAFI LUTZ
 WÄGEM TOTE HIRSCH MIT PONYFUTZ
 EN HEKTOLITER KAFI LUTZ
EN TOTE HIRSCH MIT PONYFUTZ
 EN HEKTOLITER PONYFUTZ UF DE NÖCHSCHTE AU
 AU AU AU AU AU AU AU...

autobahnraschtstättä tötötötötötötä

*autobahn
autobahnraschtstättä
tötötötötötötötötötötä
tötötötötötötötötötötä*

*autobahn
raschtstättä
autobahn
raschtstättä*



GLÖGGLI

HA NUR ES CHRÜTLI
WELLE GRASE
DEVO VERZELLT

HEND MIR D'HASE

WONIS GFUNDE
HA UND GFRÄSSE
HETS MER WIE

IS HIRNI GSCHISSE

ALLI WÜRM
HEND AFA SINGE

ALLI BÄUM
SIND UMEGSPRUNGE

*alperose
beschamelsosze
moos i de hose*

JETZT FANGTS A RÄGNE
UND ZWAR RÄCHT FESCHT

HA CHALTI HÜFLI
E SONEN FRUSCHT

ES WIRD SCHO DUNKEL
UND ICH HA SCHISS
E SONEN SEICH
I DEM PISS

ICH MACHE FASCHT
I MIS FELL
VOR ANGSCHT ES BISI
ABER GÄLL

ICH MÜESST AU GÄGGELE
UND ZWAR SCHNELL
E SONEN SCHEISS
BIN ICH E GEISS

*alperose
beschamelsosze
moos i de hose*

WENNS MICH NÖD FINDED
MUSI STERBE
DEBI HAN ICH
WELLE ALT WERDE

NU WEG EM CHRÜTLI
WON'ICH HA GFRÄSSE
UND'S MIR DRUM

IS HIRN HET GSCHISSE

ALLI WÜRM
HEND AFA SINGE
ALLI BÄUM
SIND UMEGSPRUNGE

*alperose
beschamelsosze
moos i de hose*

ES TRÄNLI

ES TRÄNLI UFEM BÄGGLI
SO WUNDERSCHÖN
I SIM WULLEJÄGGLI
MIN CHLIINE SOHN

UF SIM CHOPF ES CHÄPPLI
SÄLBERGMACHT
VOM ELTERETEIL MITEM SCHNÄGGLI
JA WER HÄTTE DAS GEDACHT

DE VATER HET ANDERI QUALITÄTE
ER GAHT AMEL AM SAMSCHTIG IN GARTE GO JÄHTE
UND MÄNGMAL ISCH ER NACHHER ES BITZLI VERSPÖTET
WELL ER HALT NO MIT SINE KOLLEGE BRÄTLET

VIELLICHT ISCHS ABER AU GANZ ANDERSCH
BI EUIS DIHEI UND IM SCHÖNE KANDERSCH-
TÄG DIE WERDED IMMER LÄNGER
JE ELTER GOOFE DESCHTO STRÄNGER

*ja eso eso isch das isch das
bi euis dihei
ja eso eso isch das*





HESE

ICH GANG GO POSCHTE
UND ICH CHAUFE VIEL GANZ FEINS I
ES HOLZOFBROT

EN CHÄS EN SCHWERE WII

UND NÖD VERGÄSSE

ZUM KAFI NO ES GUETZLI

UPS ICH MUES GO CHOICHE

ER CHUNNT SCHO ZIMLI GLII

VIELLIGHT WET ÄR DOCH ABER
GLICH VIEL LIEBER SPAGETTI

UND SPAGETTI WÄR FÜR MICH AU OK

WELL DAS HETI

DENN TUNI JETZT DOCH GRAD MAL

WASSER OB E GANZI SCHWETI,
UND DEMITS NÖD ZÄMECHLÄBT

MUES NATÜRLI AU NO - FETT DRI

E CHLI SALAT WÜRD EIGETLICH

ABER WAS ICH DEPP VERGÄSSE HA
ISCH NATÜRLI D'SOSSE

*hermann hesse chum emal cho ässe
susch wird's chalt und das wär fürchtli, schad
hermann hesse chum emal cho ässe
es git wiennerli mit händöpfelsalat*

ICH STELLE GRAD
E HUERE SCHÖNI CHERZE UF DE TISCH
WO SONE STIMM I MIM CHOPF SEIT
MACH GSCHIDER FISCH

FÜR EN FISCH
MUESI ABER NOMAL UF DE MÄRT
WAS DIE GANZ ÄSSENSPLÄNIG
NATÜRLI WIEDER ERSCHWÄRT

UND WO ISCH S'VELO
WÄR HETS GOPPERTAMI GNO

DAS HUERE VELO ISCH AMEL

SICHER NÖD VO SÄLBER DE'VO

JETZT ABER LOS TIERISCH
GUZZI GÄH UND STRÄMPLE
OHNI RÜCKSICHT MIT VOLLGAS
ÜBER D'ÄMPLE - BI ROT NATÜRLI

VOR LUUTER GUZZI GÄH DENN ABER
TATSÄCHLICH WIEDER VERGÄSSE

WASI HA WELLE CHOICHE

WASI HÜT Z'NACHT HA DÄNKT ZUM ÄSSE

*hermann hesse chum emal cho ässe
susch wird's chalt und das wär fürchtli, schad
hermann hesse chum emal cho ässe
es git wiennerli mit händöpfelsalat*



ES BLEIBT DABEI

SIEBEN TAGE SIEBEN NÄCHTE
UND ICH FRAG MICH WAS ES BRÄCHTE
MÖCHTE DICH BEI MIR BEHALTEN
WÜRD FÜR DICH DEN HIMMEL SPALTEN

*es bleibt dabei
ja es bleibt dabei
es bleibt dabei
ja es bleibt dabei*

BLITZE DONNERGROLLEN STURM
ALS WÜRD POSEIDON DIR DEN SEGEN
WIRD ES AUF DICH NIEDER REGNEN
UND ICH DER REGENWURM
VERKRIECH MICH TIEF IN MEINEM LOCH
DENN FÜR MICH BLEIBEN NUR DIE GUALEN
WENN DER SONNE WARME STRAHLEN
UND DANN LÄCHELST DU AUCH NOCH

*ja es bleibt dabei
es bleibt dabei
ja es bleibt dabei*

ES GESCHIEHT JA DOCH NIE
DAS WAS ICH WILL

ES GESCHIEHT JA DOCH NIE
UND SO BLEIB ICH STILL

AM ABGRUND

IRGENDWENN GAHTS NÜME WITER

IRGENDWO HÖRTS EIFACH UF
ICH STAH AM ABGRUND

KÄS BITZ GSCHIIDER

UND S'VERSCHLAHT MER FASCHT DE SCHNUUF
FASCHT DE SCHNUUF

UNDER MIR ÖPPE TUUSIG METER

BRANDET S'MEER AN FELS

ICH MACH D'AUGE ZUE UND LA MI GHEIE
DÄNK ALS LETSCHTS NO ACH WAS SÖLLS
ACH WAS SÖLLS

*ja es bleibt dabei
ja es bleibt dabei*

MIR BLEIBT NICHTS ALS DIR ZU SAGEN
DICH WILL ICH AUF HÄNDEN TRAGEN
DIR WILL ICH ZU FÜSSEN LIEGEN
MIT DIR AUF'M TEPPICH SCHWEBEN

*es bleibt dabei
ja es bleibt dabei
es bleibt dabei
ja es bleibt dabei*

*und ich flüge flüge flüge
flüge wiene möwe
ich flüge flüge flüge
flüge dero*

*immer witer witer witer
witer übers meer
immer witer witer witer
witer übers meer*

*und ich flüge flüge flüge
flüge wiene möwe
immer witer witer witer
witer übers meer*

LIGE AM MEER

ICH IM SAND
HAN ES HEFTLI
I DE HÄND
MIR ISCH RÄCHT HEISS
MIR ISCH RÄCHT HEISS

UND ES BLÄNDET
UND ES BLÄNDET
DRUM E SUNE
DRUM E SUNE
E SUNEBRÜLLE
E SUNEBRÜLLE
UND EN SUNESCHIRM
UND EN SUNESCHIRM
SAN PELLEGRINO

ICH MAG NÜM
LÄSE JETZT
LIEBER NO
CHLI IS MEER
ALSO LOS
JA DU ZERSCH
WAS WIESO
WERUM NÖD
WERUM SCHO
JETZT IM ERNSCHT
WAS DENN SUSCH
OHNE SEICH
LÄCK DOCH MIR
ICH VERRÉCK
WAS SÖLL JETZT DAS

*liege am meer
sii eifach so
in portofii-
portofino*

*am abig en wii
en vino rosso
und zwar de türschtii
en dolcetto*

WERUM BISCH
DU SO DRUF
WIE DU BISCH
IRGENDWIE VOLL KOMISCH
IRGENDWIE VOLL KOMISCH

DU BISCH MIR
GRAD CHLI FREMD
CHÖNNTS ÄCHT SII
ACH WAS CHUM MIR GÖND
CHUM MIR GÖND AN STRAND

S'ISCH KEI SCHAND
I DEM LAND
MITENAND
HAND IN HAND
AB AN STRAND
MITEM HUND IM BÄREGWAND
CHLI AM RAND
DUR DE SAND
ALLERHAND
SCHLARAFFELAND
IN ALLER MUND
ES DURENAND
UND S'GIT SOGAR ES PFAND

*liege am meer
sii eifach so
in portofii-
portofino*

*am abig en wii
en vino rosso
und zwar de türschtii
en dolcetto*

*ufem parkplatz am meer
küzze mer scho
im cinqueee-
cinquecento*







«RODA IS THE ONE AND ONLY FUCKIN' SEXY FREAKISHLY EXTRAORDINARY
AND BLOODY GORGEOUS - OFFICIAL ORCHESTRA OF CIRQUE DE LOIN!»



LADEIRA
DO
MEIRELES

MAIS
AMOR
POR
FAVOR

VENDE-SE
CARNE NEGRA
TEL: 190

Rona GIUSEPPE BERARDI: GUITAR, BASS ON *swingbach, beautiful, hesse*

MICHAEL FINGER: VOICE, SOPRANO SAX

FRANZISKA SCHILTKNECHT: VOICE

BENEDIKT UTZINGER: DRUM, BASS ON ALL OTHER TRACKS

guests LUK ZIMMERMANN: GUITARS ON *mais amor, hang in india*

LUZIUS SCHULER: WURLITZER ON *am abgrund*, PIANO ON *hesse*

all songs by RONA/FINGER, EXCEPT *beautiful, rona* AND *hang in india* BY RONA

all songs recorded, produced and mixed by

LUK ZIMMERMANN & RONA IN MAY AND OCTOBER 2016 AT INFLUX STUDIOS BERN

junior co-producers CHRIS GEISSLER, BENEDIKT UTZINGER

mastering OLI BÖSCH

photos SABRINA CHRIST, BENEDIKT UTZINGER

costumes MARIANN AMSTUTZ

masks MIRIA GERMANO

graphics JÜRGEN WÖSSNER, GIUSEPPE BERARDI, LUCIA GERHARDT

from rona with love AIDII, ANDI, CHRIS, FRANZISKA, GABY, GIAN MARIA, GUSCHTI, IVAN, LUCIA, LUINE, LUK, LUZI, MAGDALENA, MANEL, MARIANN, MATHI, MAURIN, MIRIA, MONI, NEWA, NIL, NOA, NOAH, PAULO, RENÉE, ROSA, RUEDI, SABRINA, STEFANO, UELI, ULI ... AND R. MAEVA

many thanks to AMT FÜR KULTUR KANTON ST.GALLEN/SWISSLOS, STADT ST.GALLEN,
AMT FÜR KULTUR APPENZELL AUSSERRHODEN

WWW.CIRQUEDELOIN.CH
WWW.SOPHIE.CH

MAIS AMOR

CIRQUE DE LOIN



sophie
records

LC 15074



IRASCIBLE
MUSIC

© & © 2016 BY SOPHIE RECORDS & CIRQUE DE LOIN
PRODUCED IN SWITZERLAND WITH LOVE.
7640153567013